



晏子春秋卷四目

問下

景公出遊

桓公何以致霸

逮桓公後

廉政

富民安衆

國安如何

諸侯孰危

聘吳

使魯昭公問

吳問齊君

細人君子

三人迷

安國衆民

晉平公文室問

小善

叔向宴語

齊德衰

正士邪人

事君徒處

世亂正行

意行高厚

嗇吝愛

君子之大義

傲世樂業

何若則榮

保身

成行義

梁丘據問事三君

高子問

仲尼遊齊

道無滅身無廢

獨立墻陰

難及

三願

極大極細

東海棗

晏子春秋卷四

問下

此段當合子
輿氏述語看
其斟酌增減
換字用韻處
可悟作文之
法

景公出遊，問于晏子曰：「吾欲觀于轉附朝舞，尊海而南，至于瑯琊，寡人何修，則夫先王之遊？」晏子再拜曰：「善哉！君之問也。聞天子之諸侯為巡狩，諸侯之天子為述職，故春省耕而補不足者，謂之遊。秋省實而助不給者，謂之豫。夏諺曰：『吾君不遊，我曷以休；吾君不豫，我曷以助。』一遊一豫，為諸侯度。今君之遊，不然。師行而糧食貧苦不補，勞者不息，夫從南歷時而不反，

謂之流從下而不反，謂之連從獸而不歸，謂之荒從樂而不歸，謂之亡。古者聖王無流連之遊，荒亡之行。公曰善。命吏計公掌之粟，籍長幼貧氓之數，吏所委發廩出粟以予貧民者三千鍾，公所身見癯者七十人，振贍之，然後歸也。

景公問于晏子曰：昔吾先君桓公，善飲酒，窮樂食味，方丈好色，無別辟若此，何以能率諸侯以朝天子乎？晏子對曰：昔吾先君桓公，變俗以政，下賢以身，管仲君之賊者也，知其能足以安國濟功，故迎之于魯郊。

敘述兩事而
語情若合

自御禮之于廟，異日君過于康莊，聞甯戚歌，止車而聽之，則賢人之風也。舉以為大田，先君見賢，不畱使能。不怠，是以內政則民懷之，征伐則諸侯畏之。今君聞先君之過而不能明，其大節，相公之霸也。君奚疑焉。

明其大節雖
聲色不礙也

管仲之力不
以兵車倡優

景公問晏子曰：昔吾先君桓公，從車三百乘，九合諸侯，一匡天下。今吾從車千乘，可以逮先君桓公之後乎？晏子對曰：桓公從車三百乘，九合諸侯，一匡天下者，左有鮑叔，右有仲父，今君左為倡，右為優，讒人在

讒諛即景之
疑亦輔弼也

以水石繪廉
辭駁而理諱

如聽春泉如
聞夜磬滌人

神明消人意
氣妙哉辭乎

前諛人在後又焉可逮桓公之後者乎

景公問晏子廉政而長久其行何也晏子對曰其行
水也美哉水平清清其濁不無零途其清無不洒除
是以長久也公曰廉政而邀亡其行何也對曰其行
石也堅哉石乎落落視之則堅循之則堅內外皆堅
無以為久是以邀亡也

景公問晏子曰富民安衆難乎晏子對曰易節欲則
民富中聽則民安行此兩者而已矣

景公問晏子曰國如何則可謂安矣晏子對曰下無

倘喜怒已有
美情刑賞欲

如其量可乎
此無羨之意

乃言賞不為
喜濫刑不為

怒加政受之
制耳

諱言官無怨治通人不華窮民不怨喜樂無羨賞忿

怒無羨刑上有禮于士下有恩于民地博不兼小兵

彊不劫弱百姓內安其政外歸其義可謂安矣

景公問晏子曰當今之時諸侯孰危晏子對曰莒其

先亡乎公曰何故對曰地侵于齊貨謁于晉是以亡

也

此外寫語獨
簡盡更有支

蔓者可存
也

晏子聘于吳吳王問君子之行何如晏子對曰君順

懷之政治歸之不懷暴君之祿不居亂國之位君子

見兆則退不與亂臣俱滅不與暴君偕亡

仁於國非仁
於家昭公見
大可謂知人

晏子使魯見昭公。昭公說曰：天下以子大夫語寡人者衆矣。今得見而羨乎？所聞請私而無爲罪。寡人聞大國之君，蓋回曲之君也。曷爲以子大夫之行事，回曲之君乎？晏子逡循對曰：嬰不肖，嬰之族又不若嬰。待嬰而祀先者，五百家。故嬰不敢擇君。晏子出，昭公語人曰：晏子，仁人也。反亡君，安危國而不私利焉。僂崔杼之尸，滅賊亂之徒，不獲名焉。使齊外無諸侯之憂，內無國家之患，不伐功焉。雖然，不滿退，託于族。晏子可謂仁人矣。

頂門針使會
兩人汗下

吳王一味麤
俚

晏子使吳。吳王曰：寡人得寄僻陋蠻夷之鄉，希見教君子之行，請私而無爲罪。晏子蹙然辟位。吳王曰：吾聞齊君，蓋賊以侵野，以暴吾子，容焉何甚也？晏子遵而對曰：吾聞之，微事不通，麤事不能者，必勞大事，不得小事不爲者，必貧大者不能，致人小者不能，至人之門者，必困。此臣之所以仕也。如臣者，豈能以道食人者哉？晏子出，王笑曰：嗟乎！今日吾譏晏子，訾猶俚而高概者也。

仲尼曰：靈公汗。晏子事之以整齊。莊公壯。晏子事之

對治從治妙
得三因

以宣武景公奢。晏子事之以恭儉。君子也。相三君而善不通。下。晏子細人也。晏子聞之。見仲尼曰。嬰聞君子有譏于嬰。是以來見。如嬰者。豈能以道食人者哉。嬰之宗族待嬰而祀其先人者數百家。與齊國之間。士待嬰而舉火者數百家。臣為此仕者也。如臣者。豈能以道食人者哉。晏子出。仲尼送之以賓客之禮。再拜其辱。反命。門弟子曰。救民之姓而不夸。行補三君而不有。晏子果君子也。

晏子聘于魯。魯昭公問焉。吾聞之。莫三人而迷。今吾

翻以同心為
病失透之極

此三而迷

以魯一國迷。慮之不免于亂。何也。晏子對曰。君之所尊舉而富貴。入所以與圖身。出所以與圖國。及左右偏邇。皆同于君之心者也。犒魯國化而為一心。魯無與二。其何暇有三。夫逼邇于君之側者。距本朝之勢。國之所以治也。左右讒諛。相與塞善。行之所以衰也。士者持祿游者養。交身之所以危也。詩曰。芄芃棫樸。薪之槩之。濟濟辟王。左右趨之。此言古者聖王明君之使以善也。故外知事之情。而內得心之誠。是以不迷也。

中聽者其持
平謹聽者其

機杜

絕問緒異

形容得精氣
渾育之致動

人想味且以
逸韻蕩其莊
色更子家所
少

語中適作抑
揚間出褒貶
傳兩君之神

晏子聘于魯。魯昭公問曰：夫儼然辱臨弊邑，竊甚嘉之。寡人受貺，請問安國。衆民如何？晏子對曰：嬰聞傲大賤，小則國危。慢聽厚斂，則民散。事大養小，安國之器也。謹聽節儉衆民之術也。

晏子使晉。晉平公饗之。文室既靜矣。晏以平公問焉。曰：昔吾先君得衆，若何？晏子對曰：君饗寡君，施及使臣，御在君側，恐懼不知所以對。平公曰：聞子大夫數矣。今迺得見，願終聞之。晏子對曰：臣聞君子如美淵，澤容之。衆人歸之如魚，有依極其游泳之樂，若淵澤

決竭，其魚動流。夫往者維雨，乎不可復已。公又問曰：請問莊公與今孰賢？晏子曰：兩君之行不同，臣不敢不知也。公曰：王室之正也，諸侯之專制也，是以欲聞子大夫之言也。對曰：先君莊公，不安靜處，樂節飲食，不好鍾鼓，好兵作武士，與同饑渴寒暑。君之疆過人之量，有一過不能已焉。是以不免于難。今君大宮室，美臺榭，以辟饑渴寒暑，畏禍敬鬼神，君之善足以沒身，不足以及子孫矣。

晏子使于晉。晉平公問曰：吾子之君，德行高下如何？

直反得贊知
執爲君諱之
說者腐也
君而孔子認
過是真語欲
作周旋解者
請以此正之

兩賢私商切
痛千載生人

愁
開口一語已
說盡

晏子對以小善。公曰：否，吾非問小善，問子之君德行高下也。晏子蹙然曰：諸侯之交，紹而相見，辭之有所隱也。君之命質，臣無所隱。嬰之君無稱焉。平公蹙然而辭，送再拜而反，曰：殆哉，吾過。誰曰齊君不肖，直稱之士正在本朝也。

晏子聘于晉，叔向從之。宴相與語，叔向曰：齊其何如？晏子對曰：此季世也。吾弗知，齊其爲田氏乎？叔向曰：何謂也？晏子曰：公棄其民而歸于田氏，齊舊四量，豆區釜鐘，四升爲豆，各自其四以登於釜，釜十則鐘，田

此證左氏所無

氏三量皆登一焉。鐘乃巨矣，以家量貸，以公量收之，山木如市，弗加于山，魚鹽蜃蛤，弗加于海，民三其力，二入于公，而衣食其一。公積朽蠹，而老小凍餒，國都之市，屨賤而踊貴，民人痛疾，或燠休之。昔者殷人誅殺不當，僂民無時，文王慈惠，殷衆收卹無主，是故天下歸之，無私與。維德之授，今公室驕暴，而田氏慈惠，其愛之如父母，而歸之如流水，無獲民將焉避？箕伯直柄，虞遂伯戲，其相胡公大姬，已在齊矣。叔向曰：雖吾公室亦季世也。戎馬不駕，卿無軍行，公乘無人，卒

嬰愁箕伯等
已在齊向愁
樂卻等降在
皂隸賢之係
於國如是夫

列無長。庶民罷弊。宮室滋侈。道殣相望。而女富溢尤。
民聞命如逃。寇讐樂卻胥原。狐續慶伯。降在皂隸。政
在家門。民無所依。而君日不悛。以樂愒憂。公室之卑。
其何日之有。讒鼎之銘曰。昧且不顯。後世猶怠。况日
不悛。其竟久乎。晏子曰。然則子將若何。叔向曰。人事
畢矣。待天而已矣。晉之公族盡矣。胙聞之。公室將甲。
其宗族枝葉先落。則公從之。胙之宗十一族。維羊舌
氏在而已。胙又無子。公室無度。幸而得死。豈其獲祀
焉。

叔向問晏子曰。齊國之德衰矣。今子何若。晏子對曰。
嬰聞事明君者。竭心力以沒其身。行不逮則退。不以
誣持祿。事情君者。優游其身。以沒其世。力不能則去。
不以諛持危。且嬰聞君子之事君也。進不失忠。退不
失行。不苟合以隱忠。可謂不失忠。不持利以傷廉。可
謂不失行。叔向曰。善哉。詩有之曰。進退維谷。其此之
謂歟。

悉邪正如手
掌翻覆文理
筋骨畢在眼
前士對之可

叔向問晏子曰。正士之義。邪人之行。何如。晏子對曰。
正士處勢臨衆。不阿私行。于國足養而不忘。故通則

以作鑑

事上使卹其下窮則教下使順其上事君盡禮行忠
不正爵祿不用則去而不議其交友也論身義行不
為苟戚不同則踈而不悻不毀進于君不以刻民尊
于國故用于上則民安行于下則君尊故得衆上不
疑其身用于君不悖于行是以進不喪亡退不危身
此正士之行也邪人則不然用于上則虐民行于下
則逆上事君苟進不道忠交友苟合不道行持諛巧
以正祿比姦邪以厚養矜爵祿以臨人夸體貌以華
世不任于上則輕議不篤于友則好誹故用于上則

用于上行于
下三見三轉
餘語似排而
意實通

民憂行于下則君危是以其事君近于罪其交友近
于患其得上辟于辱其為生債于刑故用于上則誅
行于下則弑是故交通則辱生患則危此邪人之行
也

叔向問晏子曰事君之倫徒處之義奚如晏子對曰
事君之倫知慮足以安國譽厚足以導民和柔足以
懷衆不廉上以為名不倍民以為行上也潔于治已
不飾過以求先不讒諛以求進不阿以私不誣所能
次也盡力守職不怠奉官從上不敢隋畏上故不苟

百陣開展點
八歷落善觀
者無據其實

忌罪故不辟下也。三者事君之倫也。及夫大賢則徒處與有事無擇也。隨時宜者也有。所謂君子者。能不足。以補上。退處不順上。治唐園考。非履共恤上。令弟長鄉里。不夸言。不愧行。君子也。不以上爲本。不以民爲憂。內不恤其家。外不顧其身。游夸言。愧行。自勤于饑寒。不及醜儕。命之曰狂僻之民。明上之所禁也。進也不能及上。退也不能徒處。作窮于富利之門。畢志于畝。畝之業窮。通行無常。處之慮佚于心。利通不能窮。業不成。命之曰處。封之民。明上之所誅也。有智不

足以補君。有能不足以勞民。俞身徒處。謂之傲上。苟進不擇所道。苟得不知所惡。謂之亂賊。身無以與君。能無以勞民。飾徒處之義。揚輕上之名。謂之亂國。明君在上。三者不免罪。叔向曰。賢不肖性。夫吾每有問而。未嘗自得也。

叔向問晏子曰。世亂不遵道。上辟不用義。正行則民遺。曲行則道廢。正行而遺民乎。與持民而遺道乎。此二者之于行何如。晏子對曰。嬰聞之。卑而不失尊。曲而不失正者。以民爲本也。苟持民矣。安有遺道。苟遺

送難亦佳

理取近以明
直語不煩而

見慧可為清
言之秘本

尚愛民而黜
刻固似墨家

言又貴樂身
而遠害豈更

歸楊乎以墨
判嬰信屈

挾老氏之精
蔡邕夫之病

使美名不
作

民矣安有正行焉

叔向問晏子曰意孰為高行孰為厚對曰意莫高于
愛民行莫厚于樂身又問曰意孰為下行孰為賤對
曰意莫下于刻民行莫賤于害身也

叔向問晏子曰嗇吝愛之于行何如晏子對曰嗇者
君子之道吝愛者小人之行也叔向曰何謂也晏子
曰稱財多寡而節用之富無金藏貧不假貸謂之嗇
積多不能分人而厚自養謂之吝不能分人又不能
自養謂之愛故夫嗇者君子之道吝愛者小人之行

也

叔向問晏子曰君子之大義何若晏子對曰君子之
大義和調而不緣溪益而不苛莊敬而不狡和柔而
不銓刻廉而不劂行精而不以明汚齊尚而不以遺
罷富貴不傲物貧窮不易行尊賢而不退不肖此君
子之大義也

叔向問晏子曰進不能事上退不能為家傲世樂業
枯槁為名不疑其所守者可謂能行其道乎晏子對
曰嬰聞古之能行道者世可以正則正不可以正則

其義圓其人
全中行欲與
胡得焉

由處兩路得
此俱清

曲其正也不失上下之倫其曲也不失仁義之理道
用與世樂業不用有所依歸不以傲上華世不以枯
槁為名故道者世之所以治而身之所以身也今以
不事上為道以不顧家為行以枯槁為名世行之則
亂身行之則危且天之與地而上下有衰矣明王始
立而居國為制矣政教錯而民行有倫矣今以不事
上為道反天地之衰矣以不顧家為行倍先聖之道
矣以枯槁為名則世塞政教之途矣有明上可以為
下遭亂世不可以治亂說若道謂之惑行若道謂之

傳之泉石間
不須作反相
隱之什也

身無辱地是
為真榮

狂惑者狂者木石之樸也而道義未戴焉

叔向問晏子曰何若則可謂榮矣晏子對曰事親孝
無悔往行事君忠無悔往辭和于兄弟信于朋友不
諂過不責得言不相坐行不相反在上治民足以尊
君在下蒞修足以變人身無所咎行無所創可謂榮
矣

叔向問晏子曰人何以則可謂保其身晏子對曰詩
曰既明且哲以保其身夙夜匪懈以事一人不庶幾
不要幸先其難乎而後幸得之時其所也失之非其

并及失之非
罪義始全

罪也可謂保其身矣

古人多惟言
隱非正祿也

不則寧為沮
溺無致北山

穆文

誕意乃欺心
之別號

曾子問晏子曰古者常有上不諫上下不顧民退處山谷以成行義者也晏子對曰察其身無能也而託乎不欲諫上謂之誕意也上昏亂德義不行而邪辟朋黨賢人不用士亦不易其行而從邪以求進故有隱有不隱其行法士也廼夫議上則不取也夫上不諫上下不顧民退處山谷嬰不識其何以為成行義者也

同而不和
心乃多機
自道也

梁丘據問晏子曰子事三君君不同心而子俱順焉

精言貫千古

仁人固多心乎晏子對曰嬰聞之順愛不懈可以使百姓暴彊不忠不可以使一人一心可以事百君三心不可以事一君仲尼聞之曰小子識之晏子以一心事百君者也

高子問晏子曰子事靈公莊公景公皆敬子三君之心一耶夫子之心三也晏子對曰善哉問事君嬰聞一心可以事百君三心不可以事一君故三君之心非一也而嬰之心非三心也且嬰之于靈公也盡復而不能立之政所謂僅全其四支以從其君者也及

轉語及身竟
心并不可得

蓋時危方寸
與俱亂耳

我躬不閱良
工心苦

語意諛薄原
屬外篇今附

此可並覽亦
見心之不同
如此

莊公陳武夫尚勇力欲辟勝于邪而嬰不能禁故退
而墊處嬰聞之言不用者不受其祿不治其事者不
與其難吾于莊公行之矣今之君輕國而重樂薄于
民而厚于養籍歛過量使令過任而嬰不能禁嬰庸
知其能全身以事君乎

仲尼游齊見景公景公曰先生奚不見寡人宰乎仲
尼對曰臣聞晏子事三君而得順焉是有三心所以
不見也仲尼出景公以其言告晏子晏子對曰不然
嬰為三心三君為一心故三君皆欲其國之安是以

嬰得順也嬰聞之是而非之非而是之猶非也孔丘
必據處此一心矣

栢常騫去周之齊見晏子曰騫周室之賤史也不量
其不肖願事君子敢問正道直行則不容于世隱道
危行則不忍道亦無滅身亦無廢者何若晏子曰善
哉問事君乎嬰聞之執一浩裾則不取也輕進苟合
則不信也直易無諱則速傷也新始好利則無敵也
且嬰聞養世之君子從重不為進從輕不為退省行
而不伐讓利而不夸陳物而勿專見象而勿彊道不

精言幾子道

滅身不廢矣。

田桓子見晏子，獨立於墻陰，曰：子何為獨立而不憂？何不求四鄉之學士，可者而與坐？晏子曰：共立似君子，出言而非也。嬰惡得學士之可者而與之坐？且君子之難得也，若美山然。名山既多矣，松柏既茂矣，望之相相然，盡目力不知厭，而世有所美焉。因欲登彼相相之上，仡仡然不知厭。小人者與此異，若部婁之未登，善登之無蹊，維有楚棘而已。遠望無見也，俛就則傷。嬰惡能無獨立焉？且人何憂靜處？遠慮見歲，若

閱人多故其言也確

妙喻

寓獨味雋永靜者醉心

守尊字亦見雙關之巧

格言可佩

月學問不厭，不知老之將至，安用從酒？田桓子曰：何謂從酒？晏子曰：無客而飲，謂之從酒。今若子者，晝夜守尊，謂之從酒也。

梁丘據謂晏子曰：吾至死不及夫子矣。晏子曰：嬰聞之，為者常成，行者常至。嬰非有異於人也，常為而不置，常行而不休者，故難及也。

景公遊於牛山，少樂。公曰：請晏子一願。晏子對曰：不嬰何願？公曰：晏子一願。對曰：臣願有君而見，畏有妻而見，歸有子而可遺。公曰：善乎！晏子之願，載一願。晏

初願就彼論載願彼我交

論末願專就
我論章法世
變

可去可怒此
願更深奇

大言小言古
已有之蒙莊
宋玉猶是後
章

繆公乘龍已
妄言之黃布
應黃何為赤
又誕此滑稽
之括帖也

子對曰。臣願有君而明。有妻而材。家不貧。有良鄰。有君而明。日順嬰之行。有妻而材。則使嬰不忘家。不貧。則不愠朋友所識。有良鄰。則日見君子。嬰之願也。公曰。善乎。晏子之願也。晏子又曰。臣願有君而可輔。有妻而可去。有子而可怒。公曰。善乎。晏子之願也。

景公問晏子曰。天下有極大乎。晏子對曰。有。足游浮雲。背凌蒼天。尾偃天間。躍啄北海。頸尾咳於天地乎。然而溲溲。不知六翮之所在。公曰。天下有極細乎。晏子對曰。有。東海有蟲。巢於蠹。曉再乳。再飛而蠹不為。

驚。臣嬰不知其名。而東海漁者命曰焦冥。

景公謂晏子曰。東海之中。有水而赤。其中有棗。華而不實。何也。晏子對曰。昔者秦繆公乘龍。而理天下。以黃布裹烝棗。至東海。而捐其布。彼黃布。故水赤。烝棗。故華而不實。公曰。吾詳問子。何為對。曰。嬰聞之。詳問者。亦詳對之也。

晏子春秋卷四

晏子春秋卷五目

雜上

坐地訟公

不與崔慶盟

人莫若故

東門防

養嬰兒

移飲

朝寒

致爵邑

治東阿

成臺振民饑

探雀鷄

刖跪擊馬

浮無宇

止家老斂民

飲暮辭具火

折范昭

請罷伐魯

子魯地

解金緘月書

昭公棄國

使魯觀禮

不求亡肩人

贈曾子言

贖越石父

泯子午

北郭騷

辭公見高紉

辭紉治家

高紉見逐

居喪

晏子春秋卷五

雜上

晏子臣於莊公，公不悅，飲酒令召晏子。晏子至，入門，公令樂人奏歌曰：「已哉已哉，寡人不能說也，爾何來為？」晏子入坐，樂人三奏，然後知其謂已也。遂起北面坐。地。公曰：「夫子從席，曷為坐地？」晏子對曰：「嬰聞訟夫坐地，今嬰將與君訟，敢毋坐地乎？嬰聞之，衆而無義，疆而無禮，好勇而惡賢者，禍必及其身。若公者之謂矣。且嬰言不用，願請身去，遂趣而歸，管籥其家者納。」

歌更俚於市
語何弗悟乃
故遲其聽斯
或上終動有
力遂起坐遂
趣歸遂徒行
皆是無言之
訟身退之諫
不得謂熱亦
不得謂見幾

之公財在外者斥之市曰君子有力於民則進爵祿不辭貴富無力于民而旅食不惡貧賤遂徒行而東畊於海濱居數年果有崔杼之難

情事折盡備
左史之逸文

撮極旨之勝
韻

晏子為莊公臣言大用每朝賜爵益邑俄而不用每朝致邑與爵爵邑盡退朝而乘嘖然而歎終而笑其僕曰何歎笑相從數也晏子曰吾歎也哀吾君不免于難吾笑也喜吾自得也吾亦無死矣崔杼果弑莊公晏子立崔杼之門從者曰死乎晏子曰獨吾君也乎哉吾死也曰行乎曰獨吾罪也乎哉吾亡也曰歸

乎曰吾君死安歸君民者豈以陵民社稷是主臣君者豈為其口實社稷是養故君為社稷歿則歿之為社稷亾則亾之若君為已歿而為已亾非其私暱孰能任之且人有君而弑之吾焉得歿之而焉得亾之將庸何歸門啓而入崔子曰子何不歿子何不歿晏子曰禍始吾不在也禍終吾不知也吾何為歿且吾聞之以亾為行者不足以存君以歿為義者不足以立功嬰豈其婢子也哉其縊而從之也遂袒免坐枕君尸而哭興三踊而出人謂崔子必殺之崔子曰民

暗及崇姜令
賈舉祝佗諱
死而無色

之望也。舍之得民。

崔杼既弑莊公而立景公，杼與慶封相之，劫諸將軍大夫及顯士庶人于太宮之坎上，令無得不盟者。為壇三仞，培其下，以甲千列環其內外，盟者皆脫劍而入。維晏子不肯，崔杼許之。有敢不盟者，戟拘其頸，劍承其心。令自盟曰：不與崔慶而與公室者，受其不祥。言不疾，指不至，血者，死所殺七人次。及晏子，晏子奉楛血仰天，嘆曰：嗚呼！崔子為無道而弑其君，不與公室而與崔慶者，受此不祥。俛而飲血。崔杼與晏子曰：

敘得險毒嬰
節乃見
不肯脫劍崔
杼許之此時
諸險俱墮矣
我劍亦利可
氣壯而言揚
矣

崔子一喝
胆已銷

子變子言，則齊國吾與子共之。子不變子言，戟既在脰，劍既在心，維子圖之也。晏子曰：劫吾以刃而失其志，非勇也。回吾以利而倍其君，非義也。崔子子獨不為天討乎？詩云：莫莫葛藟，施於條枚。愷悌君子，求福不回。今嬰且可以回而求福乎？曲刃鉤之，直兵推之，嬰不革矣。崔杼將殺之，或曰：不可。子以子之君無道而殺之，今其臣有道之士也，又從而殺之，不可以為教矣。崔子遂舍之。晏子曰：若大夫為大不仁而為小仁焉，有中乎？趣出，授綏而乘，其僕將馳。晏子撫其手，

誓未愈勁此
際若無言何
以為人望

其神定其識
達真有道之
士

曰徐之疾不必生徐不必死鹿生於野命縣于厨嬰
命有繫矣按之成節而後去詩云彼已之子舍命不
渝晏子之謂也

景公使晏子爲東阿宰三年毀聞於國景公不說召
而免之晏子對曰嬰知嬰之過矣請復治阿三年而
譽必聞于國景公不忍復使治阿三年而譽聞于國
景公說召而賞之景公問其故對曰昔者嬰之治阿
也築蹊徑急門閭之政而淫民惡之舉儉力孝弟罰
偷窳而隋民惡之決獄不避貴強惡之左右所求法

威王時復有
阿大夫受烹
想候用此譜
耶

則予非法則否而左右惡之事貴人體不過禮而貴
人惡之是以三邪毀乎外二讒毀于內三年而毀聞
乎君也今臣謹更之不築蹊徑而緩門閭之政而淫
民說不舉儉力孝弟不罰偷窳而隋民說決獄阿貴
而貴強說左右所求言諾而左右說事貴人體過禮
而貴人說是三邪譽乎外二讒譽乎內三年而譽聞
于君也昔者嬰之所以當誅者宜賞今所以當賞者
宜誅是故不敢受景公知晏子賢廼任以國政三年
而齊大興

反以不足見
富可悟張辭
之用

救荒妙用然
須如此約乃

得後世多從
而致兵亦不
善用此術耳

為紛改之針
砥亦因循之
毒蠱

景公與晏子立于曲潢之上。晏子稱曰：衣莫若新，人莫若故。公曰：衣之新也，信善矣。人之故相知情，晏子歸，負載使人辭於公曰：嬰故老耄無能也，請毋服壯者之事。公自治國，身弱於高國，百姓大亂，公恐復召晏子。諸侯忌其威，而高國服其政。田疇墾辟，蠶桑豢收之處不足。絲蠶於燕，牧馬於魯，共貢入朝。墨子聞之，曰：晏子知道，景公知窮矣。

景公之時，飢。晏子請為民發粟，公不許。當為路寢之臺，晏子令吏重其賃，遠其兆，徐其日而不趣。三年，臺成而民振，故上悅乎游，民足乎食。君子曰：政則晏子欲發粟與民而已，若使不可得，則依物而偶于政。

景公登東門，防民單服。然後上，公曰：此大傷牛馬蹄矣。夫何不下六尺哉？晏子對曰：昔者吾先君桓公，明君也，而管仲賢相也。夫以賢相佐明君，而東門防全也。古者不為殆有為也。蚤歲溜水，至入廣門，即下六尺耳。鄉者防下六尺，則無齊矣。夫古之重變，古常此之謂也。

景公探雀穀，穀弱。反之，晏子聞之，不待時而入見景

只此數語層
折演掉如畫
家被染色態
倍生

公公汗出惕然。晏子曰：君何為者也？公曰：吾探雀鷩，鷩弱故反之。晏子逡巡北面再拜而賀曰：吾君有聖王之道矣。公曰：寡人探雀鷩，鷩弱故反之，其當聖王之道者何也？晏子對曰：君探雀鷩，鷩弱反之，是長幼也。吾君仁愛，曾禽獸之加焉，而况於人乎？此聖王之道也。

西伯葬枯骨
曰寡人即其
主嬰以此意
開公兒以嬰
歸當稱嬰兒

景公賭嬰兒有乞於塗者。公曰：是無歸夫。晏子對曰：若存何為無歸？使吏養之，可立而以聞。景公正晝被髮乘六馬，御婦人以出正閭，別跪擊其

伴為不知道
謂效之

馬而反之。曰：爾非吾君也。公慙而不朝。晏子賭齋款而問曰：君何故不朝？對曰：昔者君正晝被髮乘六馬，御婦人以出正閭，別跪擊其馬而反之。曰：爾非吾君也。公慙而出，反不果。是以不朝。晏子入見，景公曰：昔者寡人有罪，被髮乘六馬以出正閭，別跪擊馬而反之。曰：爾非吾君也。寡人以天子大夫之賜，得率百姓以守宗廟，今見戮于別跪，以辱社稷，吾猶可以齊於諸侯乎？晏子對曰：君勿惡焉。臣聞下無直辭，上有隱君，民多諱言，君有驕行，古者明君在上，下多直辭。君

臣聞句四古
者句三今君
句一省合得
法遂洗排套

欲嘗禮別而
及美公斯陳
善進諫之妙
術也比于明
君自解非君
之慙豈特齊
於今諸侯乎

上好善，民無諱言。今君有失行，則跪直辭禁之，是君之福也。故臣來慶，請賞之以明君之好善，禮之以明君之受諫。公笑曰：可乎？晏子曰：可。于是刖跪，倍資，無征，時朝無事也。

有人有人二
子已時指梁
丘不絕公歡
也

景公飲酒，夜移于晏子前，馯欵門曰：君至。晏子被玄端，立于門，曰：諸侯得微有故乎？國家得微有事乎？君何為非時而夜辱公？曰：酒醴之味，金石之聲，願與夫子樂之。晏子對曰：夫布薦席，陳簠簋者，有人。臣不敢與焉。公曰：移於司馬穰苴之家。前驅欵門曰：君至。穰

語真故足以
顯

苴介，胄操戟，立於門，曰：諸侯得微有兵乎？大臣得微有叛者乎？君何為非時而夜辱公？曰：酒醴之味，金石之聲，願與將軍樂之。穰苴對曰：夫布薦席，陳簠簋者，有人。臣不敢與焉。公曰：移於梁丘據之家。前驅欵門曰：君至。梁丘據左操瑟，右擊竽，行歌而出。公曰：樂哉！今夕吾飲也，微彼二子者，何以治吾國？微此一臣者，何以樂吾身？君子曰：聖賢之君，皆有益友，無偷樂之臣。景公弗能及，故兩用之，僅得不亡。

景公飲酒，田桓子侍，望見晏子而復於公，曰：請浮晏

子公曰何故也無字對曰晏子衣緇布之衣麋鹿之
裘棧軫之車而駕駑馬以朝是隱君之賜也公曰諾
晏子坐酌者奉觴進之曰君命浮子晏子曰何故也
田桓子曰君賜之卿位以尊其身寵之百萬以富其
家羣臣其爵莫尊於子祿莫重於子今子衣緇布之
衣麋鹿之裘棧軫之車而駕駑馬以朝是則隱君之
賜也故浮子晏子避席曰請飲而後辭乎其辭而後
飲乎公曰辭然後飲晏子曰君之賜卿位以尊其身
嬰非敢爲顯受也爲行君令也寵以百萬以富其家

數得甚暢卽
是軍法行酒
當使在席者
凜然

嬰非敢爲富受也爲通君賜也臣聞古之賢君有受
厚賜而不顧其困族則過之臨事守職不勝其任則
過之君之內隸臣之父兄若有離散在於野鄙此臣
之罪也君之內隸臣之所職若有播之在於四方此
臣之罪也兵革之不完戰車之不修此臣之罪也若
夫弊車駑馬以朝意者非臣之罪乎且臣以君之賜
父之黨無不乘車者母之黨無不足於衣食者妻之
黨無凍餒者國之間士待臣而後舉火者數百家如
此者爲彰君賜乎爲隱君賜乎公曰善爲我浮無字

也

曲逆決獄錢
穀之對本此

晏子侍於景公朝寒公曰請進暖食晏子對曰嬰非君奉餽之臣也敢辭公曰請進服裘對曰嬰非君茵席之臣也敢辭公曰然夫子之於寡人何爲者也對曰嬰社稷之臣也公曰何謂社稷之臣對曰夫社稷之臣能立社稷別上下之義使當其理制百官之序使得其宜作爲辭令可分布於四方自是之後君不以禮不見晏子

晏子飲景公酒令噐必新家老曰財不足請斂於氓晏子曰止夫樂者止下同之故天子與天下諸侯與境內大夫以下各與其僚無有獨樂今上樂其樂下傷其費是獨樂者也不可

晏子飲景公酒日暮公呼具火晏子辭曰詩云側弁之俄言失德也屢舞僬僬言失容也旣醉以酒旣飽以德旣醉而出並受其福賓主之禮也醉而不出是謂伐德賓之罪也嬰以卜其日未卜其夜公曰善舉酒祭之再拜而出曰豈過我哉吾託國於晏子也以其家貨養寡人不欲淫侈也而況於寡人謀國乎

語從戢領而
出故養姪有
味

晏子禮音森
朗太師亦復
簡嚴

晉平公欲伐齊，使范昭往觀焉。景公觴之，飲酒酣，范昭曰：「請君之棄罇。」公曰：「酌寡人之罇，進之於客。」范昭已飲，晏子曰：「徹罇，更之罇，解具矣。」范昭佯醉不悅而起舞。謂太師曰：「能為我調成周之樂乎？」吾為子舞之。太師曰：「冥，臣不習。」范昭趣而出。景公謂晏子曰：「晉大國也，使人來將觀吾政，今子怒大國之使者，將柰何？」晏子曰：「夫范昭之為人，也非陋而不知禮也，且欲試吾君，臣故絕之也。」景公謂太師曰：「子何以不為客調成周之樂乎？」太師對曰：「夫成周之樂，天子之樂也，調

今人便以折
銜接千里句
矣必如此乃
得文字離間
之妙

之必人主舞之。今范昭人臣，欲舞天子之樂，臣故不為也。范昭歸，以報平公曰：「齊未可伐也。」臣欲試其君而晏子識之，臣欲犯其禮而太師知之。仲尼聞曰：「夫不出於尊俎之間，而知千里之外，其晏子之謂也可。謂折衝矣，而太師其與焉。」

景公伐魯，傳許，得東門無澤。公問焉。魯之年穀何如？對陰水，厥陽冰厚五寸，不知以告晏子。晏子對曰：「君子也，問年穀而對以冰，禮也。陰水厥陽，冰厚五寸者，寒溫節，節則刑政平。平則上下和，和則年穀熟。年充

以隱全魯幸
遇解人

衆和而伐之。臣恐罷民弊兵，不成君之意。請禮魯，以息吾怨。遺其執，以明吾德。公曰：善。廼不伐魯。

景公子魯君地山陰數百社，使晏子致之。魯使子叔

昭伯受地，不盡受也。晏子曰：寡君獻地，忠廉也。曷爲

不盡受？子叔昭伯曰：臣受命於君，曰：諸侯相見，交讓

爭處其卑。禮之文也。交委多，爭受少，行之實也。禮成

文於前，行成章於後，交之所以長久也。且吾聞君子

不盡人之歡，不竭人之忠，吾是以不盡受也。晏子歸

報公，公喜，笑曰：魯君猶若是乎？晏子曰：臣聞大國貪

善於詞命故
辭受兩收名
實兼得

洞悉情體善
於交隣

識爲虛列可
隨語生解公

於名。小國貪於實。此諸侯之公患也。今魯處卑而不貪乎尊，辭實而不貪乎多，行廉不爲苟得，道義不爲苟合，不盡人之歡，不竭人之忠，以全其交，君之道義殊於世俗，國免於公患。曰：寡人說魯君，故予之地。今行果若此，吾將使人賀之。晏子曰：不君以驩予之地，而賀其辭，則交不親，而地不爲德矣。公曰：善。於是重魯之弊，毋比諸侯，厚其禮，毋比賓客。君子於魯而後明行，廉辭地之，可爲重名也。

公遊於紀，得金緘，發視之中，有尺書，曰：食魚無反，勿

用賦嬰用比
何以亾也有
以亾也連之
似風雅

妙證亦甚警

乘。駕。馬。公。曰。善。哉。知。若。言。食。魚。無。反。則。惡。其。鱓。也。勿。
乘。駕。馬。惡。其。取。道。不。遠。也。晏。子。對。曰。不。然。食。魚。無。反。
毋。盡。民。力。乎。勿。乘。駕。馬。則。無。置。不。肖。於。側。乎。公。曰。紀。
有。書。何。以。亡。也。晏。子。對。曰。有。以。亾。也。嬰。聞。之。君。子。有。
道。懸。之。間。紀。有。此。言。注。之。緘。不。亾。何。待。乎。

魯。昭。公。棄。國。走。齊。齊。公。問。焉。曰。君。何。年。之。少。而。棄。國。
之。蚤。奚。道。至。於。此。乎。昭。公。對。曰。吾。少。之。時。人。多。愛。我。
者。吾。體。不。能。親。人。多。諫。我。者。吾。志。不。能。用。是。則。內。無。
拂。而。外。無。輔。輔。拂。無。一。人。諂。諛。我。者。甚。衆。譬。之。猶。秋。

棄國之早只
因悔之不早
昭公徒悔故
晏作對針語
進一步說亦
即以動景

依腔按板語
亦不善觀矣

蓬。也。孤。其。根。而。美。枝。葉。秋。風。一。至。根。且。拔。矣。景。公。辨。
其。言。以。語。晏。子。曰。使。是。人。反。其。國。豈。不。為。之。賢。君。乎。
晏。子。對。曰。不。然。夫。愚。者。多。悔。不。肖。者。自。賢。溺。者。不。問。
墜。迷。者。不。問。路。溺。而。後。問。墜。迷。而。後。問。路。譬。之。猶。臨。
難。而。遽。鑄。兵。噎。而。遽。掘。井。雖。速。亦。無。及。已。

晏。子。使。魯。仲。尼。命。門。弟。子。往。觀。子。貢。反。報。曰。孰。謂。晏。
子。習。於。禮。乎。夫。禮。曰。登。階。不。歷。堂。上。不。趣。授。玉。不。跪。
今。晏。子。皆。反。此。孰。謂。晏。子。習。於。禮。者。晏。子。既。已。有。事。
于。魯。君。退。見。仲。尼。仲。尼。曰。夫。禮。登。階。不。歷。堂。上。不。趣。

君一未盡胡
責臣三

大處既反駁

小處須認失

意乃全而不

傷

禮隨其宜故

并得義

可入德行

授玉不跪。夫子反此乎。晏子曰：嬰聞兩楹之間，君臣有位焉。君行其一，臣行其二。君之來，邀是以登階，歷堂上，趣以及位也。君受玉卑，故跪以下之。且吾聞之，大者不踰閑，小者出入可也。晏子出，仲尼送之以賓客之禮，不計之義。維晏子為能行之。

晏子之魯，朝食進餽，膳有豚焉。晏子曰：去其二肩，畫者進膳，則豚肩不具。侍者曰：膳豚肩亡。晏子曰：釋之矣。侍者曰：我能得其人。晏子曰：止。吾聞之，量功而不量力，則民盡藏，餘不分，則民盜。子教我所以改之，無

教我求其人也。

曾子將行，晏子送之，曰：君子贈人以軒，不若以言。吾請以言之。以軒乎？曾子曰：請以言。晏子曰：今夫車輪

山之直木也，良匠揉之，其圓中規。雖有槁暴，不復羸

矣。故君子慎。隱、揉、和氏之璧，井里之困也。良工修之，

則為存國之寶。故君子慎。所修。今夫蘭本三年而成，

湛之苦酒，則君子不近。小人不佩湛之縻醢，而賈匹

馬矣。非蘭本美也，所湛然也。願子之必求所湛，嬰聞

之。君子居必擇居，游必就士，擇居所以求生，求士所

錯物明義其
言近其情深
且車喻從軒
生璧則無金
玉爾音蘭亦
同心之言古
人雖無意衍
合然亦可想
舉喻非苟

此原逸事非其書所傳存以見史文之簡妙御者妻一則直竊史可勿贅

以辟患也。嬰聞汨常移質，習俗移性，不可不慎也。晏子之晉，至中牟，睹弊冠反裘負芻，息於塗側者，以爲君子也。使人問焉，曰：子何爲者也？對曰：我越石父者也。晏子曰：何爲至此？曰：吾爲人臣，僕於中牟，見使將歸。晏子曰：何爲之僕？對曰：不免凍餓之切，吾身是以爲僕也。晏子曰：爲僕幾何？對曰：三年矣。晏子曰：可得贖乎？對曰：可。遂解左驂以贈之，因載而與之俱歸。至舍，不辭而入。越石父怒而請絕。晏子使人應之曰：吾未嘗得交夫子也。子爲僕三年，吾乃今日睹而贖之。吾與子尚未可乎？子何絕我之暴也？越石父對之曰：臣聞之士者，詘乎不知已，而申乎知已。故君子不以功輕人之身，不爲彼功詘身之理。吾三年爲人臣僕，而莫吾知也。今子贖我，吾以子爲知我矣。嚮者子乘不我辭也，吾以子爲亡。今又不辭而入，是與臣我者同矣。我猶且爲臣，請鬻于世。晏子出見之，曰：嚮者見客之容，而今也見客之意。嬰聞之，省行者不引其過，察實者不譏其辭。嬰可以辭而無棄子，嬰誠革之。廼令糞洒改席，尊醮而禮之。越石父曰：吾聞之，至恭

晏子卷五

不修途尊禮不受擯夫子禮之僕不敢當也晏子遂以爲上客君子曰俗人之有功則德德則驕晏子有功免人于厄而反誦下之其去俗亦遠矣此全功之道也

燕之遊士有泚子午者南見晏子于齊言有文章術有條理巨可以補國細可以益晏子者三百篇睹晏子恐思而不能言晏子假之以悲色開之以禮顏然後能盡其復也客退晏子直席而坐廢朝移時在側者曰嚮者燕客侍夫子胡爲憂也晏子曰燕萬乘之

憐才如此令人
亦不恨

國也齊千里之塗也泚子午以萬乘之國爲不足說以千里之塗爲不足遠則是千萬人之上也且猶不能殫其言於我况乎齊人之懷善而歿者乎吾所以不得睹者豈不多矣然吾失此何之有也

齊有北郭騷者結果罔捆蒲葦織履以養其母猶不足踵門見晏子曰竊說先生之義願乞所以養母者晏子使人分食粟府金而遺之辭金受粟有間晏子見疑於景公出犇過北郭騷之門而辭北郭騷沐浴而見晏子曰夫子將焉適晏子曰見疑於齊君將出

分粟能幾何
乃望報而疑
騷嬰亦一齊
君也惡能知
士哉

在嬰不當望
報騷為親而
死恩固其宜

真刎頸之友
惜失其名

韓北郭騷曰。夫子勉之矣。晏子上車太息而嘆曰。嬰之亡。豈不宜哉。亦不知士甚矣。晏子行。北郭子召其友而告之曰。吾說晏子之義。而嘗乞所以養母者。吾聞之。養其親者。身仇其難。今晏子見疑。吾將以身死白之。著衣冠。令其友操劍。奉而從。造於君庭。求復者。曰。晏子。天下之賢者也。今去齊國。齊必侵矣。方見國之必侵。不若死。請以頭託白晏子也。因謂其友曰。盛吾頭於笥中。奉以退。託而自刎。其友因奉託。而謂復者曰。此北郭子為國故死。吾將為北郭子死。又退而

愛君不妨誦
友

自刎。景公聞之。大駭。乘駟而自追晏子。及至國郊。請而反之。晏子不得已。而反。聞北郭子之以死白已也。太息而嘆曰。嬰之亡。豈不宜哉。亦愈不知士甚矣。景公謂晏子曰。吾聞高糺與夫子遊。寡人請見之。晏子對曰。臣聞之。為地戰者。不能成其王。為祿仕者。不能正其君。高糺與嬰為兄弟久矣。未嘗干嬰之行。特祿仕之臣也。何足以補君乎。

晏子使高糺治家。三年而辭焉。僨者諫曰。高糺之事。夫子三年。曾無以爵位而逐之。敢請其罪。晏子曰。若

以治身爲治
家前愛君此

自愛

夫方立之人，維聖人而已。如嬰者，反陋之人也。若夫左嬰、右嬰之人，不舉曰爲將，不正令此子事吾三年，未嘗弼吾過也。吾是以辭之。

高糾事晏子而見逐，高糾曰：臣事夫子三年，無得而卒，見逐其說何也？晏子曰：嬰之家俗有三，而子無一焉。糾曰：可得聞乎？晏子曰：嬰之家俗，間處從容，不談議，則疏；出不相揚美，入不相削行，則不與通。國事無論，驕士慢知者，則不朝也。此三者，嬰之家俗。今子是一無一焉，故嬰非特食餽之長，也是以辭。

保身良箴

晏子居晏桓子之喪，龕衰，斬菹，經帶，杖管履，食粥，居倚廬，寢苦枕草。其家老曰：非大夫喪父之禮也。晏子曰：唯鄉爲大夫，曾子以聞孔子，孔子曰：晏子可謂能遠害矣，不以已之是，駁人之非，遜辭以避咎，義也夫。

晏子春秋卷五

晏子春秋卷六目

襍下

禁女子男飾

夢五丈夫

太卜動地

占夢日鬪

使吳

橘枳喻盜

止分樂高家

正轂擊

栢常騫益壽

室夕

撫瘍

解楚嘲

楚王進橘

不受邶殿

辭平陰祿

貧不恨

辭千金市租

辭田無宇致封邑

不受子孫賞邑

長寵廣名

踊貴

卜鄰

築室閨內

三返路車乘馬

參上之食

毋變俗

楹語

闔門圖菑

遊菑趨哭

操玉哭晏子

外篇

沮封

毀鞠語

出田問答

相魯患

鐘毀對

辭景公嫁女

諫殺羽人

晏子春秋卷六

雜下

此靈公同衛
耶官中想多
南子若寵有
子瑕又當好
丈夫而婦人
飾矣

俗喻醒透

靈公好婦人而丈夫飾者國人盡服之公使吏禁之
曰女子而男子飾者裂其衣斷其帶裂衣斷帶相望
而不止晏子見公問曰寡人使吏禁女子而男子飾
裂斷其衣帶相望而不止者何也晏子對曰君使服
之於內而禁之於外猶懸牛首於門而賣馬肉於內
也公何以不使內不服則外莫敢為也公曰善使內
勿服踰月而國莫之服

化民妙用乃
從井救人手
段斷語未合

齊人甚好轂擊相犯以為樂禁之不止晏子患之乃為新車良馬出與人相犯也曰擊轂者不祥臣其祭祀不順居處不敬乎下車而棄去之然後國人乃不為故曰禁之以制而身不先行民不能止故化其心莫若教也

前夢二丈夫

解網劉意茲

夢五丈夫

而駭駭

景公畋於梧丘夜猶早公姑坐睡而夢有五丈夫北面韋廬稱無罪焉公覺召晏子而告其所夢公曰我其嘗殺不辜誅無罪耶晏子對曰昔者先君靈公畋五丈夫畧而駭獸故殺之斷其頭而葬之命曰五丈

樂知南面能
為竟交國同
華胥可以夢
治

夫之丘此其地耶公令人掘而求之則五頭同穴而存焉公曰嘻令吏葬之國人不知其夢也曰君憫白骨而況於生者乎不遺餘力矣不釋餘知矣故曰君子之為善易矣

景公為路寢之臺成而不踊焉栢常騫曰君為臺甚急臺成君何為而不踊焉公曰然有梟昔者鳴聲無不為也吾惡之甚是以不踊焉栢常騫曰臣請禱而去公曰何具對曰築新室為置白茅公使為室成置白茅焉栢常騫夜用事明日問公曰今昔聞鴉聲乎

仁靜而壽西
伯以地動堯
未聞為壽徵
其說幻然我
百爾九十文
可致子臣亦
可致君益壽
或有之故嬰
不直駁其非

維星絕樞星
散曾壽星輝
乎
毋薄歛毋費
民政益壽之
因無令君知
意更精厚

公曰一鳴而不復聞使人往視之鴉當陞布翌伏地
死公日子之道若此其明亦能益寡人之壽乎對曰
能公曰能益幾何對曰天子九諸侯七大夫五公曰
子亦有徵兆之見乎對曰得壽地且動公喜令百官
趣具騫之所欲栢常騫出遭晏子於塗拜馬前騫辭
曰為禳君鴉而殺之君謂騫日子之道若此其明也
亦能益寡人壽乎騫曰能今且大祭為君請壽故將
往以聞晏子曰嘻亦善能為君請壽也雖然吾聞之
維以政與德而順乎神為可以益壽今徒祭可以益

壽乎然則福兆有見乎對曰得壽地將動晏子曰騫
昔吾見維星絕樞星散地其動汝以是乎栢常騫俯
有間抑而對曰然晏子曰為之無益不為無損也汝
薄歛毋費民且毋令君知之

景公問太卜曰汝之道何能對曰臣能動地公召晏
子而告之曰寡人問太卜曰汝之道何能對曰能動
地地可動乎晏子默然不對出見太卜曰昔吾見鈞
星在四星之間地其動乎太卜曰然晏子曰吾言之
恐子死之也默然不對恐君之惶也子言君臣俱得

太卜妄言動
地平仲誠能
動天

焉。忠於君者，豈必傷人哉？晏子出，太卜走入見公曰：臣非能動地，地固將動也。陳子陽聞之曰：晏子默而不對者，不欲太卜之死也。往見太卜者，恐君之惶也。晏子，仁人也，可謂忠上而惠下也。

東薄可對左
高

景公新成栢寢之室，使師開鼓琴，師開左撫宮，右彈商。曰：室夕。公曰：何以知之？師開對曰：東方之聲薄，西方之聲揚。公召大匠曰：室何為夕？大匠曰：立室以宮，矩為之。於是召司空曰：立宮何為夕？司空曰：立宮以城，矩為之。明日，晏子朝公，公曰：先君太公以營丘之

前語直破恐
傷對人故為
今作解其解
托之正大始
無巧辯之過
可以觀識可
以準言

封立城，曷為夕？嬰子對曰：古之立國者，南望南斗，北戴星樞，彼安有朝夕哉？然而以今之夕者，周之建國，國之西方以尊周也。公蹙然曰：古之臣乎？

景公病，水臥十數日，夜夢與二日鬪，不勝。晏子朝，公曰：夕者，夢與二日鬪，而寡人不勝，我其死乎？晏子對曰：請召占夢者，出於閨，使人以車迎。占夢者至，曰：曷為見召？晏子曰：夜者，公夢二日與公鬪，不勝，寡人死乎？故請君占夢，是所為也。占夢者曰：請反其書。晏子曰：毋反書。公所病者，陰也。日者，陽也。一陰不勝二陽

不反而反可
作續占夢經

故病將已。以是對。占夢者入。公曰。寡人夢與二日鬪而不勝。寡人死乎。占夢者對曰。公之所病陰也。日者陽也。一陰不勝二陽。公病將已。居三日。公病大愈。公且賜占夢者。占夢者曰。此非臣之力。晏子教臣也。公召晏子。且賜之。晏子曰。占夢以占之言對。故有益也。使臣言之。則不信矣。此占夢之力也。臣無功焉。公兩賜之。曰。以晏子不奪人之功。以占夢者不蔽人之所能。

非徒卜聖直是醫王

景公病疽在背。高子國子請公曰。職當撫瘍。高子進

千古文章之妙只是易俗

為雅然又有雅偏厭惡而俗反靈透者不可執論也

便不同

而撫瘍。公曰。熱乎。曰。熱。熱何如。曰。如火。其色何如。曰。如未熟。李大小何如。曰。如豆。墮者何如。曰。如屨。辨二子者。出。晏子請見。公曰。寡人有病。不能勝衣冠。以出見夫子。夫子其辱視寡人乎。晏子入。呼宰人。具盥御者。具巾。刷手。溫之。發席。傅薦。跪請撫瘍。公曰。其熱何如。曰。如日。其色何如。曰。如蒼玉。大小何如。曰。如璧。其墮者何如。曰。如圭。晏子出。公曰。吾不見君子。不知拙人之拙也。

晏子使吳。吳王謂行人曰。吾聞晏嬰。蓋北方辯于辭。

原沒理

說得覺然凜
慄使吳王無
站立處又楚
然愁哀使吳
王無生活處
不待不退焉

稱名

習於禮者也。命儻者曰客，見則稱天子請見。明日晏子有事，行人曰：天子請見晏子。楚然。行人又曰：天子請見晏子。楚然。又曰：天子請見晏子。楚然者三。曰：臣受命弊邑之君，將使於吳王之所，以不敏而迷惑入於天子之朝，敢問吳王惡乎存？然後吳王曰：夫差請見，見之以諸侯之禮。

晏子使楚，以晏子短，楚人爲小門於大門之側，而延晏子。晏子不入，曰：使狗國者從狗門入。今臣使楚，不當從此門入。儻者更道從大門入，見楚王。王曰：齊無

人耶？晏子對曰：臨淄三百閭，張袂成陰，揮汗成雨，比肩繼踵而在，何爲無人？王曰：然則子何爲使乎？晏子對曰：齊命使各有所主，其賢者使使賢王，不肖者使使不肖王。嬰最不肖，故直使楚矣。

狗與不肖快
則快矣太傷
焉嘗

晏子將至楚，楚聞之，謂左右曰：晏嬰，齊之習辭者也。今方來，吾欲辱之，何以也？左右對曰：爲其來也。臣請縛一人，過王而行。王曰：何爲者也？對曰：齊人也。王曰：何坐？曰：坐盜。晏子至，楚王賜晏子酒，酒酣，二吏縛一人，請王。王曰：縛者曷爲者也？對曰：齊人也。坐盜。王視

陽和布德
化爲鳩水土
異宜橋移成
和

凡語涉詭雖
典不貴試觀
孔子雪桃之
對於此奚如

晏子曰齊人固善盜乎。晏子避席對曰。嬰聞之。橘生淮南則爲橘。生於淮北則爲枳。葉徒相似。其實味不同。所以然者。何水土異也。今民生長於齊。不盜入楚。則盜得無楚之水土。使民善盜耶。王笑曰。聖人非所與嬉也。寡人反取病焉。

景公使晏子於楚。楚王進橘。置削。晏子不削而竝食之。楚王曰。當去削。晏子對曰。臣聞之。賜人主前者。瓜桃不削。橘柚不剖。今者萬乘無教令。臣故不敢削。不然。臣非不知也。

兩不屬意中
已必致之公
矣

樂氏高氏欲逐田氏。鮑氏田氏鮑氏先知而遂攻之。高彊曰。先得君。田鮑安往。遂攻虎門。二家召晏子。晏子無所從也。從者曰。何爲不助田鮑。晏子曰。何善焉。其助之也。何爲不助樂高。曰。庸愈於彼乎。門開。公召而入。樂高不勝而出。田桓子欲分其家。以告晏子。晏子曰。不可。君不能飭法。而羣臣專制。亂之本也。今又欲分其家。利其貨。是非制也。子必致之公。且嬰聞之。禁者。政之本也。讓者。德之主也。樂高不讓。以至此禍。可毋慎乎。廉之謂公正。讓之謂保德。凡有血氣者。皆

有爭心。怨利生孽。維義可以爲長存。且分爭者不勝其禍。辭讓者不失其福。子必勿取。桓子曰善。盡致之公。而請老於劇。

慶氏亡。分其邑與晏子。邱殿其鄙六十。晏子弗受。子尾曰。富者人之所欲也。何獨勿欲。晏子對曰。慶氏之邑足。欲故亡。吾邑不足欲也。益之以邱殿。乃足欲。足欲亡無日矣。在外不得宰吾一邑。不受邱殿。非惡富也。恐失富也。且夫富如布帛之有幅焉。爲之制度。使無遷也。夫生厚而用利。於是乎正德以幅之。使無黜

愈平實愈高
超近情之至
政能開情

慢。謂之幅利。利過則爲敗。吾不敢貪多。所謂幅也。

景公祿晏子以平陰與橐邑。反市者十一社。晏子辭曰。吾君好治宮室。民之力弊矣。又好盤游翫好。以飭女子。民之財竭矣。又好興師。民之死近矣。弊其力。竭其財。近其死。下之疾其上甚矣。此嬰之所以不敢受也。公曰。是則可矣。雖然。君子獨不欲富與貴乎。晏子曰。嬰聞爲人臣者。先君後身。安國而度家。宗君而處身。曷爲獨不欲富與貴也。公曰。然則曷以祿夫子。晏子對曰。君商魚鹽關市。譏而不征。耕者十取一焉。弛

二矣句應前
四矣句利害
劃然

無怨者恬曠
而忘情不恨
者苦勤而有
力繫與封來
師隨貧去語
警而義甚趣

忠臣一條係
已犯不敢取
而再犯仁智
二條原不犯
不須取而致
犯此是辭意

刑罰若死者刑若刑者罰若罰者免若此三言者嬰
之祿君之利也公曰此三言者寡人有事焉請以從
夫子公既行若三言使人問大國大國之君曰齊安
矣使人問小國小國之君曰齊不我加矣

晏子相齊三年政平民說梁丘據見晏子中食而肉
不足以告景公旦日割地將封晏子晏子辭不受曰
富而不驕者未嘗聞之貧而不恨者嬰是也所以貧
而不恨者以善為師也今封易嬰之師師已輕封已
重矣請辭

晏子方食景公使使者至分食食之使者不飽晏子
亦不飽使者反言之公公曰嘻晏子之家若是其貧
也寡人不知是寡人之過也使吏致千金與市租請
以奉賓客晏子辭三致之終再拜而辭曰嬰之家不
貧以君之賜澤覆三族延及交游以振百姓君之賜
也厚矣嬰之家不貧也嬰聞之夫厚取之君而施之
民是臣代君君民也忠臣不為也厚取之君而不施
於民是為筐篋之藏也仁人不為也進取於君退得
罪於士身死而財遷於他人是為宰藏也智者不為

荆之苟嬰之
免本於老之
知足

也。夫十總之布，一豆之食，足於中，免矣。景公謂晏子曰：「昔吾先君桓公，以書社五百封管仲，不辭而受，子辭之，何也？」晏子曰：「嬰聞之，聖人千慮必有一失，愚人千慮必有一得。得意者管仲之失，而嬰之得者耶？故再拜而不敢受命。」

晏子相齊，衣十升之布，脫粟之食，五卵苔菜而已。左右以告公，公為之封邑，使田無宇致臺與無鹽。晏子對曰：「昔吾先君太公受之營丘，為地五百里，為世國長。自太公至於公之身，有數十公矣。苟能說其君以

後段末語為
此注明而此

更
不肖父為不
肖子是增字
法

取邑不至公之身，趣齊搏以求升土，不得容足而寓焉。嬰聞之，臣有德益祿，無德退祿，惡有不肖父為不肖子為封邑以敗其君之政者乎？遂不受。」

景公謂晏子曰：「昔吾先君桓公，予管仲狐與穀，其縣十七，著之於帛，申之以策，通之諸侯，以為其子孫賞邑。寡人不足以辱而先君，今為夫子賞邑，通之子孫。」

晏子辭曰：「昔聖王論功而賞賢，賢者得之，不肖者失之，御德修禮，無有怠荒。今事君而免於罪者，其子孫奚宜與焉？若為齊國大夫者，必有賞邑，則齊君何以

不言有功只
言免罪更高
一等
可作任子駁
議

共其社稷與諸侯幣帛嬰請辭遂不受

景公賜晏子邑晏子辭田桓子謂晏子曰君歡然與

子邑必不受以恨君何也晏子對曰嬰聞之節受於

上者寵長於君儉居處者名廣於外夫長寵廣名君

子之事也嬰獨庸能已乎

景公欲更晏子之宅日子之宅近市湫隘囂塵不可

以居請更諸爽塏者晏子辭曰君之先臣容焉臣不

足以嗣之於臣侈矣且小人近市朝夕得所求小人

之利也敢煩里旅公笑日子近市識貴賤乎對曰既

竊利之敢不識乎公曰何貴何賤是時也公繁於刑

有鬻踊者故對曰踊貴而履賤公愀然改容公為是

省於刑君子曰仁人之言其利博哉晏子一言而齊

侯省刑詩曰君子如祉亂無遄已其是之謂乎

晏子使晉景公更其宅反則成矣既拜乃毀之而為

里室皆如其舊則使宅人反之且諺曰非宅是卜維

隣是卜二三子先卜隣矣違卜不祥君子不犯非禮

小人不犯不祥古之制也吾敢違諸乎卒復其舊宅

公弗許因陳桓子以請乃許之

恨君二字寫

得猶人氣性

出

長寵廣名故

汗其言語桓

子耳非其至

也

推親于尊其

言暱

偏言亦偏言

利又復近情

宰相須讀書

忘臣須慧士

如此隨機納

誨非慧莫辨

忠而愚無益

也

漢高之新豐

此為遺軌

語值而微

景公謂晏子曰寡人欲朝夕見爲夫子築室於閨內可乎晏子對曰臣聞之隱而顯近而結維至賢耳如臣者飾其容止以待承令猶恐罪戾也今君近之是遠之也請辭

晏子朝乘弊車駕駑馬景公見之曰嘻夫子之祿寡耶何乘不任之甚也晏子對曰賴君之賜得以壽三族及國游士皆得生焉臣得暖衣飽食弊車駑馬以奉其身於臣足矣晏子出公使梁丘據遺之輅車乘馬三返不受公不悅趣召晏子晏子至公曰夫子不

更有關係不獨以名

受寡人亦不乘晏子對曰君使臣臨百官之吏臣節其衣服飲食之養以先國之民然猶恐其侈靡而不顧其行也今輅車乘馬君乘之上而臣亦乘之下民之無義侈其衣服飲食而不顧其行者臣無以禁之遂讓不受

晏子相景公食脫粟之食炙三弋五卵苔菜耳矣公聞之往燕焉睹晏子之食也公曰嘻夫子之家如此其貧乎而寡人不知寡人之臯也晏子對曰以世之不足也免粟之食飽士之一乞也炙三弋士之二乞

免字新脫不求而三者備

既富且逸矣
焉得貧

也。五卯士之三乞也。嬰無倍人之行而有參士之食。君之賜厚矣。嬰之家不貧。再拜而謝。

晏子病將死。其妻曰。夫子無欲言乎。子曰。吾恐死而俗變。謹視爾家。毋變爾俗也。

豈以楹語為
叔敖之優孟
耶。教節儉耶。
教積聚耶。云
胡有定
別載布帛牛
牛馬無可字
井無國窮句
未云窮乎窮
乎窮也

晏子病將死。鑿楹納書焉。謂其妻曰。楹語也。子壯而示之。及壯。發書之言曰。布帛不可窮。窮不可飾。牛馬不可窮。窮不可服。士不可窮。窮不可任。國不可窮。窮不可竊也。

莊公闔門而圖莒。國人以為有亂也。皆操長兵而立。

死平仲安生
亂民晏公可
知古無死矣

於閭。公召睢休相而問曰。寡人闔門而圖莒。國人以為有亂。皆操長兵而立於衢。閭奈何。休相對曰。誠無亂而國以為有。則仁人不存。請令於國言。晏子之在也。公曰。諾。以令於國。孰謂國有亂者。晏子在焉。然後皆散兵而歸。君子曰。夫行不可不務也。晏子存而民心安。此非一日之所為也。所以見於前。信於後者。是以晏子立人臣之位。而安萬民之心。

景公游於菑。聞晏子死。公乘侈輿。服繁駟。驅之。而因為遲。下車而趨。知不若車之邀。則又乘比。至於國者。

急情可狀

景公聞達于

何哭盆成括

哭鞠語哭易

以哀感故牛

山有涕女吳

有涕而此涕

為勝

吾失夫子則

亡與天喪子

同情悲音動

千古

四下而趨不哭而往伏尸而號曰子大夫日夜責寡人。不遺尺寸。寡人猶且淫泆而不收。怨罪重積於百姓。今天降禍於齊。不加於寡人。而加於夫子。齊國之社稷危矣。百姓將誰告矣。

晏子死。景公操玉加於晏子而哭之。涕霑襟。章子諫曰。非禮也。公曰。安用禮乎。昔者吾與夫子遊於公邑之上。一日而三不聽寡人。今其孰能然乎。吾失夫子。則亡。何禮之有。免而哭。哀盡而去。

外篇

此數則世已
有駁其非仲
謂者或曰景
非有為聖非
所用慮其近
之也是遠之
也故作是語
安知不以嘗
君而重友乎
若受詆而與
以久敬之名
是匿怨也聖
不爾也存而
不辨可也

仲尼之齊見景公。景公說之。欲封之。以爾稽以告晏子。晏子對曰。不可。彼浩裾自順。不可以教下。好樂緩於民。不可使親治。立命而建事。不可守職。厚葬破民。貧國久喪道。哀費日。不可使子民行之難者。在內。而傳者無其外。故異於服。勉於容。不可以道。衆而馴。百姓自大。賢之滅。周室之卑也。威儀加多。而民行滋薄。聲樂繁充。而世德滋衰。今孔丘盛聲樂。以侈世飾。弦歌鼓舞。以聚徒。繁登降之禮。趨翔之節。以觀衆。傳學不可以儀世。勞思不可以補民。兼壽不能殫其教。當

年不能究其禮、積財不能贍其樂、繁飾邪術以榮世、君盛爲聲樂以淫愚其民也、不可以示其教也、不可以導民、今欲封之以移齊國之俗、非所以導衆存民也、公曰善、於是厚其禮而畱其敬、見不問其道、仲尼乃行。

景公上路寢、聞哭聲曰、吾若聞哭聲、何爲者也、梁丘據對曰、魯孔丘之徒、鞠語者也、明於禮樂、審於服喪、其母死、葬埋甚厚、服喪三年、哭泣甚疾、公曰、豈不可哉、而色悅之、晏子曰、古者聖人、非不知能繁登降之

禮、制規矩之節、行表綴之數、以教民、以爲煩人、畱日故、制禮不羨於便事、非不知能揚干戚、鐘鼓竽瑟以勸衆也、以爲費財、畱工、故制樂不羨於和民、非不知能累世殫國以奉死、哭泣處哀以持久也、而不爲者、知其無補死者、而浚害生者、故不以導民、今品人飾禮煩事、羨樂淫民、崇死以害生、三者聖王之所禁也、賢人不用、德毀俗流、故三邪得行於世、是非賢不肖、雜上妄說邪、故好惡不足以導衆、此三者路世之政、單事之教也、公曷爲不察聲受而色悅之、

仲尼之齊見景公而不見晏子子貢曰見君不見其從政者可乎仲尼曰吾聞晏子事三君而順焉吾疑其爲人晏子聞之曰嬰則齊之世民也不維其行不識其過不能自立也嬰聞之有幸見愛無幸見惡誹譽爲類聲響相應見行而從之者也嬰聞之以一心事三君者所以順焉以三心事一君者不順焉今未見嬰之行而非其順也嬰聞之君子獨立不慚於影獨寢不慚於覓孔子拔樹削跡不自以爲辱窮陳蔡不自以爲約非人不得其故是猶澤人之非斤斧山

人之非網罟也出之其口不知其困也始吾望傳而貴之今吾望傳而疑之仲尼聞之曰語有之言發於爾不可止於遠也行存於身不可掩於衆也吾竊議晏子而不中夫人之過吾罪幾矣丘聞君子過人以爲友不及人以爲師今丘失言於夫子譏之是吾師也因宰我而謝焉然仲尼見之

景公出田寒故以爲渾猶顧而問晏子曰若人之衆則有孔子焉乎晏子對曰有孔子焉則無有若舜焉則嬰不識公曰孔子之不遠舜爲間矣曷爲有孔子

子句法

焉則無有、若舜焉則嬰不識、晏子對曰、是乃孔子之
所以不逮舜、孔子行一節者也、處民之中、其過之、識
況乎處君之中乎、舜者處民之中、則自齊乎、士處君
子之中、則齊乎、君子上與聖人、則固聖人之林也、此
乃孔子之所以不逮舜也。

仲尼相魯、景公患之、謂晏子曰、隣國有聖人、敵國之
憂也、今孔子相魯、若何、晏子對曰、君其勿憂、彼魯君
弱主也、孔子聖相也、君不如陰重孔子、設以相齊、孔
子強諫而不聽、必驕魯而有齊、君勿納也、夫絕於魯、

既謂不逮舜
而復以聖相
推何矛盾也

無主於齊、孔子困矣、居期年、孔子去魯之齊、景公不
納、故困於陳蔡之間。

景公為大鐘、將懸之、晏子仲尼栢常騫三人朝、俱曰
鐘將毀、衝之果毀、公召三子者而問之、晏子曰、鐘大
不祀先君而以燕、非禮、是以曰鐘將毀、仲尼曰、鐘大
而懸下、衝之其氣下回而下薄、是以曰鐘將毀、栢常
騫曰、今庚申、雷日也、音莫勝於雷、是以曰鐘將毀也、

一引理而正
一格物而精
一牽術而幻
事雖妄傳亦
可新覽

景公有愛女、請嫁於晏子、公乃往燕、晏子之家、飲酒
酣、公見其妻曰、此子之內子耶、晏子對曰、然是也、公

如此事無此
實有此情

曰嘻亦老且惡矣寡人有女少且姣請以滿夫子之
宮晏子違席而對曰乃此則老且惡嬰與之居故矣
故反其少而姣也且人固以少託乎老姣託乎惡彼
嘗託而嬰受之矣君雖有賜可以使嬰倍其託乎再
拜而辭

趣而証

景公蓋姣有羽人視景公僭者公謂左右曰問之何
視寡人之僭也羽人對曰言亦死而不言亦死竊姣
公也公曰合色寡人也殺之晏子不時而入見曰蓋
聞君有所怒羽人公言然色寡人故將殺之晏子對

曰嬰聞拒欲不道惡愛不祥雖使色君於法不宜殺
也公曰惡然乎若使沐浴寡人將使抱背

春秋卷六



